



Pou Piblikasyon Imedya: 10/10/2023

GOUVÈNÈ KATHY HOCHUL

GOUVÈNÈ HOCHUL LANSE APLIKASYON POU TWAZYÈM FAZ FON KOMÈSYALIZASYON BYODEFANS 40 MILYON DOLA NEW YORK LA

*Pwogram lan deja bay 25.3 milyon dola pou akselere kwasans nan endistri syans
lavi a ak konbat maladi enfektye yo ak lòt menas sante piblik yo*

*Li bati sou inisyativ Syans Lavi 620 milyon dola pou devlope yon gwoup syans
lavi klas mondyal nan Eta New York*

Aplikasyon yo ak direktiv sou fon an disponib [isit la](#)

Gouvènè Kathy Hochul jodi a te lanse twazyèm faz aplikasyon pou Fon Komèsyalizasyon Byodefense (Biodefense Commercialization Fund) 40 milyon dola New York la. Fon an te kreye pou akselere devlopman ak komèsyalizasyon inovasyon syans lavi ki abòde menas sante maladi enfektye grav yo pandan l ap kreye travay epi ankouraje kwasans kontinyèl nan endistri syans lavi k ap devlope nan Eta New York la. Depi kreyasyon li an septanm 2021, Empire State Development deja akòde 25.3 milyon dola nan sibvansyon pou 11 konpayi demaraj ak 13 enstitisyon akademik k ap devlope dyagnostik, vaksen, terapeutik ak lòt inovasyon ki pwomètè pou abòde oswa diminye menas maladi enfektye yo.

"Pwogram tankou Fon Komèsyalizasyon Byodefense lan ap mete Eta New York devan avansman nan dekouvèt ak devlopman maladi enfektye yo pandan y ap ranfòse ekosistèm Syans Lavi Eta a", **Gouvènè Hochul te deklare**. "Avèk finansman sa a, nou non sèlman atire djòb enpòtan ak envestisman, men nou ap trase wout pou pi bon rezulta sante pou lavni."

Prezidan, Direktè Egzekitif Jeneral ak Komisè Empire State Development lan, Hope Knight, te deklare, "Nan kad lidèchip Gouvènè Hochul, n ap envesti stratejikman nan endistri kle ki pral deklanche inovasyon epi devlope ekonomi eta a. Fon Komèsyalizasyon Biodefense deja fè yon enpak lè li vize enstitisyon akademik ak antrepriz demaraj yo pou yo ka dekouvri solisyon inovan pou maladi enfektye yo epi ede kontinye lidèchip New York nan endistri syans lavi a."

Faz sa a ap bay aplikan yo priyorite pou devlope teknoloji dyagnostik ki pwomètè, tankou dyagnostik sou lye entèvansyon an, nouvo zouti pou sekans ak siveyans ajan

patojèn yo, ak pwosesis pou amelyore fabrikasyon ak aksè ak dyagnostik. Zòn sa yo enpòtan pou facilite idantifikasyon enfeksyon ak pwopagasyon li pi rapid, ki se kle pou kontwòl efikas.

Sibvansyon ki bay atravè Fon Komèsyalizasyon Byodefans lan gen entansyon ede pote solisyon avanse sou mache a ki idantifye, trete ak anpeche maladi enfektye yo, ankoraje kwasans nan endistri syans lavi k ap devlope nan New York la ak mete Eta a kòm lidè nan rezistans ak rediksyon maladi enfektye.

Benefisyè Fon Komèsyalizasyon Byodefense anvan yo deja demontre enpak ekonomik pozitif pwogram sa a, lè yo te jwenn 11.1 milyon dola nan finansman ekstèn, yo te kreye 15 nouvo djòb nan Eta New York, ranpli 10 aplikasyon patant epi egzekite twa akò lisans.

Konpayi demaraj ki elijib yo k ap devlope dyagnostik, vaksen, terapi ak lòt inovasyon ki pwometè pral anpeche, trete oswa redui menas maladi enfektye grav kapab aplike pou sibvansyon jiska 4 milyon dola. Enstitisyon rechèch akademik New York yo kapab aplike tou pou sibvansyon jiska 500,000 dola pou ede akselere swivi pwopriyete entèlektyèl avanse nan syans lavi yo. Yo mete aksan sou sipò devlopman inovasyon ki gen pi gwo potansyèl pou vyabilite komèsyal. Dat limit pou soumèt premye aplikasyon an se vandredi 17 novanm 2023 a 5:00 p.m. Ou ka jwenn plis enfòmasyon sou pwosesis aplikasyon an, kondisyon elijiblite ak direktiv pwogram yo sou entènèt [isit la](#).

Se yon Komite Egzekitif ki jere Fon Komèsyalizasyon Byodefans lan ki gen ladan reprezantan ki soti nan Depatman Sante Eta New York, Columbia University, Mount Sinai School of Medecine ak de fon pou antrepriz riske. Yon gwoup ekspè ki soti nan endistri byofamasetik, kominote antrepriz riske nan domèn syans lavi, ak syantifik akademik yo pral revize, evalye ak bay ESD (Empire State Development) rekòmandasyon sou aplikasyon yo soumèt yo. Yon karakteristik enpòtan nan pwogram nan se ke moun ki resevwa sibvansyon yo resevwa konsèy nan men konseye ki gen eksperyans nan endistri byofamasetik, investisman nan antrepriz riske, ak inivèsite pou ede asire pwogram devlopman yo rete sou bon wout. Nou ka jwenn benefisyè avan yo [isit la](#).

Fon Komèsyalizasyon Byodefans lan fè pati Inisyativ Syans Lavi 620 milyon dola Eta New York lan pou ankoraje devlopman yon nouvo gwoup rechèch sou syans lavi ki gen kalib mondal nan New York, ansanm ak ogmante kapasite eta a genyen pou komèsylaize rechèch sa a epi devlope ekonomi an. Inisyativ ki gen plizyè aspè sa a gen ladan 320 milyon dola pou pwogram estratejik ki atire nouvo teknoloji sou syans lavi nan eta a, ankoraje investisman enpòtan nan sektè publik ak prive nan domèn syans lavi k ap emèje yo ak kreye epi agrandi biznis ak travay ki gen rapò ak syans lavi nan New York.

Sektè Syans Lavi a anglobe domèn byoteknoloji, famasetik, teknoloji byomedikal, teknoloji sistèm lavi yo, epi li enkli òganizasyon ak enstitisyon ki devwe majorite efò yo nan diferan faz rechèch, devlopman, transfè teknoloji ak komèsyalizasyon yo. Chak jou,

konpayi nan sektè sa ap devlope nouvo pwogrè medikal ak famasetik ki gen potansyèl pou sove lavi, swa atravè nouvo terapi yo oswa deteksyon maladi nan premye faz yo tankou kansè ak maladi newolojik yo. Antrepriz sa yo ap fè pwogrè konsiderab tou nan domèn byoteknoloji agrikòl ak anviwònmantal, ki ap ede kreye yon avni ki pi pwòp epi ki pi dirab.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)